

ქ. თბილისი

2011 წ. 09.02

I მხარეები

წინამდებარე ხელშეკრულება დადებულია 2011 წლის 09 თვეს/ეროთის მხრივ შპს „საქართველოს სახელმწიფო ელექტროსისტემას“, წარმოდგენილი მისი მმართველთა საბჭოს თავმჯდომარის სულხან ზუმბურიძის სახით (შემდგომში „შემსყიდველი“) და მეორეს მხრივ შპს „ბორანი“ (შემდგომში „მიმწოდებელი“), წარმოდგენილი დირექტორის ამირან ჩხიკვაძის სახით, შორის, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

- 2.1. „მიმწოდებელი“ ვალდებულია „შემსყიდველს“ მიაწოდოს საქონელი (თანმდევი მომსახურებით) დანართი №1-ის (ფასების ცხრილი) შესაბამისად.
- 2.2 დანართი №1 წარმოადგენს წინამდებარე ხელშეკრულების განუყოფელ ნაწილს.

III. საქონლის ღირებულება და ანგარიშსწორების პირობები

- 3.1. მისაწოდებელი საქონლის (თანმდევი მომსახურებით) მთლიანი ღირებულება განსაზღვრულია წინამდებარე ხელშეკრულების დანართი №1-ის შესაბამისად და საორიენტაციოდ შეადგენს 14586 ლარს დღგ-ს ჩათვლით შემდგომში ხელშეკრულების ღირებულება.
- 3.2. საქონლის (თანმდევი მომსახურებით) ღირებულების ანაზღაურება ხორციელდება უნაღდო ანგარიშსწორების ფორმით.
- 3.3 ანგარიშსწორება განხორციელდება თვეში ერთხელ ფაქტიურად მიწოდებულ საქონელზე (თანმდევი მომსახურებით) გამოწერილი საგადასახადო ანგარიშ-ფაქტურის წარმოდგენიდან 10 (ათი) დღის ვადაში.

IV. მხარეთა უფლება-მოვალეობები

- 4.1. „მიმწოდებელი“ მოვალეა:
 - 4.1.1. გადასცეს „შემსყიდველს“ ნივთობრივი და უფლებრივი ნაკლისაგან თავისუფალი საქონელი (თანმდევი მომსახურებით);
 - 4.1.2 საქონლის (თანმდევი მომსახურებით) მიღების დროს თუ გამოვლინდება რაიმე ხარვეზი ან შეუსაბამობა, „მიმწოდებელი“ ვალდებულია თავისი ხარჯებით გამოასწოროს ხარვეზი. თუ ეს შეუძლებელია, „მიმწოდებელმა“ უნდა შეცვალოს საქონელი.
 - 4.1.3 „მიმწოდებელმა“ დანართ №1-ში წარმოდგენილი საქონლის (თანმდევი მომსახურებით) მიწოდება უნდა განხორციელოს „შემსყიდველის“ წერილობითი მოთხოვნის მიღებიდან 2 (ორი) დღის ვადაში.
- 4.2. „შემსყიდველი“ მოვალეა:
 - 4.2.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის (თანმდევი მომსახურებით) ღირებულება;
 - 4.2.2. წერილობით შეატყობინოს „მიმწოდებელს“ საქონლის (თანმდევი მომსახურებით) მიღების დროს შემჩნეული ნაკლის აღმოჩენის თანახმად.

V. მხარეთა პასუხისმგებლობა

5.1. "მიმწოდებლის" მიერ საქონლის (თანმდები მომსახურებით) დაგვიანებით, არასრულად მიწოდების შემთხვევაში "მიმწოდებელი" მოვალეა გადაიხადოს პირგასამტეხლო ხელშეკრულების საერთო ღირებულების 0,1 %-ის ოდენობით ყოველ გადაგადაცილებულ დღეზე, წინამდებარე ხელშეკრულების შეწყვეტამდე.

5.2. "მიმწოდებლის" მიერ საქონლის (თანმდები მომსახურებით) საერთოდ არმიწოდების შემთხვევაში იგი ვალდებულია "შემსყიდველს" ერთჯერადი ჯარიმის სახით გადაუხადოს თანხა 1400 ლარის (ერთიათასოთხასი) ოდენობით.

5.3. ამ ხელშეკრულების 5.1 პუნქტით გათვალისწინებული პირგასამტეხლო "მიმწოდებელს" გადასახდელად დაერიცხება აგრეთვე იმ შემთხვევაში, თუ "მიმწოდებელს" საქონელი უბრუნდება წუნდების ან ხარვეზის შემთხვევაში, წუნდებული ან ხარვეზიანი საქონლის (თანმდები მომსახურებით) მაგივრად ხარისხიანი საქონლის (თანმდები მომსახურებით) მიწოდების დღემდე.

5.4. ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება აანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ ახერხებს ამ მუხლით გათვალისწინებულ პირგასამტეხლოს დარიცხვას.

5.5. "შემსყიდველი" უფლებამოსილია მიწოდებული საქონლის (თანმდები მომსახურებით) ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და "მიმწოდებელზე" დარიცხული პირგასამტეხლოს და ჯარიმის თანხა.

5.6. წინამდებარე ხელშეკრულებით განსაზღვრული საქონლის (მომსახურებით) სრულად არშესყიდვის შემთხვევაში "შემსყიდველს" პასუხისმგებლობა არ ეკისრება.

VI. ხელშეკრულების შესრულების კონტროლი

6.1. "შემსყიდველს" ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.

6.2. "შემსყიდველის" მხრიდან ხელშეკრულების შესრულებაზე კონტროლს ახორციელებს ქვემო ქართლის რეგიონალური ქსელის **ქ/ს "გარდაბანი-500"**-ში დროებითი დასაქმებული ნოდარ ძამაშვილი და ქვემო ქართლის რეგიონალური ქსელის **ქ/ს "გარდაბანი-500"**-ში დროებითი დასაქმებული მურად ქომეთიანი.

6.3. კონტროლი განხორციელდება მიწოდებული საქონლის (თანმდები მომსახურებით) ხარისხის და მიწოდების ვადების, ასევე მომსახურების პირობების შესაბამისობით ხელშეკრულების პირობებთან.

VII ფორს-მაჟორი

7.1. ხელშეკრულების პირობების ან რომელიმე მათგანის მოქმედების შეწყობა ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

7.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას

ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა, ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი სავაჭრო-სამრეწველო პალატის მიერ გაცემულ სათანადო ცნობას.

7.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

VIII. ურთიერთობა მხარეებს შორის

8.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონით, დეკემის ან ფაქსის გავზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გავზავნის მეშვეობით.

8.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

IX. ხელშეკრულების პირობების შეცვლა და/ან ვადამდე მოშლა

9.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

9.2. ხელშეკრულება შეიძლება ვადამდე მოიშალოს:

9.2.1. მხარეთა შეთანხმებით;

9.2.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

9.3 "შემსყიდველს" შეუძლია ხელშეკრულება ვადამდე შეწყვიტოს:

9.3.1. თუ "შემსყიდველისათვის" ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

9.3.2. "მიმწოდებლის" გაკოტრების შემთხვევაში;

9.3.3 თუ მისთვის ცნობილი გახდება, რომ "მიმწოდებლის" მიერ მოწოდებული ინფორმაცია ყალბი აღმოჩნდება;

9.3.4. საქართველოს კანონმდებლობით გათვალისწინებულ სხვა შემთხვევებში.

9.4 ამ მუხლის 9.3 პუნქტში მითითებულ შემთხვევებში "შემსყიდველი" ვალდებულია აუნაზღაუროს "მიმწოდებელს" ფაქტიურად მიწოდებული საქონლის ღირებულება.

9.5 სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი

ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.

X. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XI. დავათა განხილვა

11.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოავგარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

11.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

XII. შესყიდვის ობიექტის მიღება-ჩაბარების წესი

12.1 საქონლის (თანმდევი მომსახურებით) მიწოდებისას “შემსყიდველის” მიერ წინამდებარე ხელშეკრულების 6.2 ქვეპუნქტით განსაზღვრული პირი - ქვემო ქართლის რეგიონალური ქსელის ქ/ს “გარდაბანი-500”-ში დროებითი დასაქმებული ნოდარ ძამაშვილი და ქვემო ქართლის რეგიონალური ქსელის ქ/ს “გარდაბანი-500”-ში დროებითი დასაქმებული მურად ქომეთიანი ამოწმებს მოწოდებული საქონლის (თანმდევი მომსახურებით) შესაბამისობას წინამდებარე ხელშეკრულების პირობებთან.

12.2 საქონლის (თანმდევი მომსახურებით) მიღების დროს აღმოჩენილი ხარვეზების (წუნდების) შემთხვევაში “შემსყიდველი” ვალდებულია ოპერატიულად, წერილობითი სახით, აცნობოს “მიმწოდებელს” სათანადო მიზეზები.

12.3 საქონელი (თანმდევი მომსახურებით) მიღებულად ჩაითვლება საქონლის (თანმდევი მომსახურებით) თანმდევ სასაქონლო ზედნაღებზე “შემსყიდველის” მხრიდან ხელმოწერისთანავე.

12.4 მოწოდებული საქონლის (თანმდევი მომსახურებით) თანმდევ სასაქონლო ზედნაღებზე ხელმოწერი უფლებამოსილი პირები განსაზღვრულია მე-6 მუხლის 6.2 პუნქტში.

XIII. ხელშეკრულების მოქმედების ვადები

13.1 ხელშეკრულება ძალაშია მხარეთა მიერ მისი ხელმოწერის დღიდან

ხელშეკრულება საქონლის მიწოდებაზე (ქვიშა-დორღი) შპს "ბორანი"

13.2 ხელშეკრულების მოქმედების ვადა ამოწურულად ჩაითვლება მხარებს შორის ხელშეკრულებით გათვალისწინებული პირობების შესრულებისთანავე, მაგრამ არაუგვიანეს 2011 წლის 31 დეკემბრისა.

XIV. ხელშეკრულების სხვა პირობები

14.1 ხელშეკრულება შედგენილია ქართულ ენაზე ორ ეგზემპლარად და ყოველ მათგანს გააჩნია თანაბარი იურიდიული ძალა.

14.2 ამ ხელშეკრულებით გათვალისწინებულ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

14.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

14.4 წინამდებარე ხელშეკრულებით გათვალისწინებული პირობები წარმოადგენს კონფიდენციალურ ინფორმაციას და არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევებისა.

14.5 წინამდებარე ხელშეკრულება დადებულია 2010 წლის 27 იანვრის საქართველოს მთავრობის №20 დადგენილებით დამტკიცებული შპს „საქართველოს სახელმწიფო ელექტროსისტემის“ მიერ ელექტროენერჯის გადაცემა-დისპეტჩერიზაციის შეუფერხებლად განხორციელებისათვის საჭირო საქონლისა და მომსახურების შესყიდვების განხორციელების სპეციალური წესის მე-6 მუხლის მე-2 პუნქტის ა) ქვეპუნქტის შესაბამისად.

XV. მხარეთა რეკვიზიტები

„შემსყიდველი“

„მიმწოდებელი“

შპს „საქართველოს სახელმწიფო ელექტროსისტემა“

ქ. თბილისი, ბარათაშვილის №2

ს/ს „საქართველოს ბანკი“

საიდ. კოდი 204995176

ბანკის კოდი: 220101502

ა/ნ 283534100

შპს „ბორანი“

ო/მ ქ. თერჯოლა, რუსთაველის ქ. №7

ს/ნ 231960296

სს „საქართველოს ბანკი“ ც /ფ

ა/ნ 121481500

ბანკის კოდი: BAGAGE22

სულხან ზუმბურდია
მმართველი



ამირან ჩხიკვაძე

დირექტორი



ფასების ცხრილი

შენიშვნა: ფასები მოცემულია ლარებში დამატებითი ღირებულების გადასახადის ჩათვლით.

N	საქონლის დასახელება (თანმდევით მომსახურებით)	რაოდენობა (მ ³)	ერთეულის ღირებულება ლარში შპს "სსე"-ს სატრანსპორტო საშუალებებზე დატვირთვის გათვალისწინებით	საერთო ღირებულება ლარი
1	ქვიშა	306	20	6120
2	ღორღი 8-16მმ	357	20	7140
3	საქონლის (დატვირთვით) მიწოდების ვადა და ადგილი	"მიმწოდებელმა" "შემსყიდველს" საქონელი (თანმდევით მომსახურებით) უნდა გადასცეს "შემსყიდველის" წერილობითი მოთხოვნიდან 2 (ორი) დღის ვადაში მისამართზე შპს "ბორანი"-ს კარიერი მდინარე ნოღაბურთან.		

ღირებულებაა 13260 ლარი (ცამეტიათასორასსამოცი)

N	საქონლის დასახელება (თანმდევით მომსახურებით)	რაოდენობა (მ ³)	ერთეულის ღირებულება ლარში ტრანსპორტირების გათვალისწინებით	საერთო ღირებულება ლარი
1	ქვიშა	306	22	6732
2	ღორღი 8-16მმ	357	22	7854
3	საქონლის (ადგილზე მიტანით) მიწოდების ვადა და ადგილი	"მიმწოდებელმა" "შემსყიდველს" საქონელი (თანმდევით მომსახურებით) უნდა გადასცეს "შემსყიდველის" წერილობითი მოთხოვნიდან 2 (ორი) დღის ვადაში მისამართზე ქს "სესტაფონი-500"-ის ტერიტორია. თერჯოლის რაიონი სოფ. ღვინკითი.		

ღირებულებაა 14586 ლარი (თოთხმეტიათასხუთასოთხმოცდაექვსი)

ხელშეკრულების საორიენტაციო ღირებულებაა 14586 ლარი

(თოთხმეტიათასხუთასოთხმოცდაექვსი)

"შემსყიდველი":

შპს "საქართველოს სახელმწიფო ელექტროსისტემა"

სულხან ზუმბურიძე

მმართველთა საბჭოს თავმჯდომარე



"მიმწოდებელი":

შპს "ბორანი"

ამირან ჩხიკვაძე

დირექტორი

